

Primljenio:	18-01-2024		
Org. jed.	Kl. ozna.	Rед. broj	Br. prilogu

01 04 2102/93

ŠEMSUDIN SKEJIĆ  
GRADSKI VIJEĆNIK  
Septembar, 2023.godine

## PREDSJEDAVAJUĆI GRADSKOG VIJEĆA

### PREDMET: Vijećnička inicijativa

Donošenje odluke za promjenu procedure Rasprava po vijećničkim inicijativama i načinu na koji se iste usvajaju

Na osnovu člana 109. Poslovnika o radu Gradskog vijeća podnosim inicijativu za donošenje odluke za promjenu procedure o raspravi po vijećničkim inicijativama i načinu na koji se iste usvajaju.

Već duže vrijeme vijećničke inicijative sve više postaju razlogom narušavanja odnosa Gradonačelnik-Gradsko vijeće, a takođe i odnosa između vijećnika. Kada se usvoje većina je „tjesna“. Mišljenja Gradonačelnika su većinom „ne treba prihvati“, a kada se usvoje uglavnom se ne realizuju.

Zar nije absurdno da se vijećnik mora izjasniti, a da pri tome ne može reći zbog čega, niti može da čuje mišljenje drugih prije nego se odluči.

Pogledajmo jedan tipični primjer, a ima ih na desetine.

Na dnevnom redu 16. Sjednice 28.07.2023.godine imali smo inicijativu za formiranje Javnog komunalnog preduzeća „Grijanje“ d.o.o. Zavidovići. Kako glasati za ili protiv?

- bez ijednog relevantnog podatka od relevantnog subjekta
- bez mogućnosti da o tome kažem bilo šta
- bez da čujem mišljenje o tome od Vijećnika, Uprave, nadležne službe....

Brojni su primjeri prihvatanja ili odbijanja inicijativa bez rasprava.

Zbog toga vratimo u poslovnik obavezu rasprava i usvajanja inicijativa na osnovu konstruktivnih rasprava.

*Gradski vijećnik  
Šemsudin Skejić*

Šemsudin Skejić

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOSKI KANTON  
GRAD ZAVIDOVICI



Broj: 02-04-2096/23-AP-15

Datum: 12.01.2024. godine

STRUČNA SLUŽBA  
GRADSKOG VIJEĆA ZAVIDOVICI  
- O d j e -

PREDMET: Stav po inicijativi vijećnika Skejić Šemsudina za donošenje  
Odluke za promjenu procedure Rasprava po vijećničkim  
inicijativama i načinu na koji se iste usvajaju, dostavlja se

U prilogu akta dostavljam vam stav po inicijativi vijećnika Skejić Šemsudina podnesenu za donošenje Odluke za promjenu procedure Rasprava po vijećničkim inicijativama i načinu na koji se iste usvajaju.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.



GRADONAČELNIK

doc. dr. Hašim Mujanović



Broj: 02-04-2096/23-AP-14

Datum: 12.01.2024. godine

GRAD ZAVIDOVIĆI  
GRADSKO VIJEĆE ZAVIDOVIĆI  
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Skejić Šemsudina za donošenje Odluke za promjenu procedure Rasprava po vijećničkim inicijativama i načinu na koji se iste usvajaju dostavljam:

**PREDMET:** Stav po inicijativi vijećnika Skejić Šemsudina za donošenje  
Odluke za promjenu procedure Rasprava po vijećničkim  
inicijativama i načinu na koji se iste usvajaju, dostavlja se

Inicijativu vijećnika Skejić Šemsudina za donošenje Odluke za promjenu procedure Rasprava po vijećničkim inicijativama i načinu na koji se iste usvajaju treba prihvati.

Član 171.a. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidoviću“, broj: 7/22 i 1/23), glasi:

„Član 171.a

Vijećničke inicijative se podnose predsjedavajućem Vijeća na početku sjednice nakon usvajanja zapisnika u pisanoj formi, a on ih proslijeđuje gradonačelniku ili subjektu kojem je podnesena.

Vijećnička inicijativa se podnosi u pisanoj formi sa obrazloženjem, a u koliko su za realizaciju potrebna finansijska sredstva, inicijativa mora sadržavati prijedlog njihovog obezbjedenja.

Vijećnik koji podnosi inicijativu može obrazložiti inicijativu u trajanju do tri minute.

Po vijećničkoj inicijativi pribavlja se mišljenje gradonačelnika.

Gradonačelnik je dužan razmotriti vijećničku inicijativu u roku od 30 dana i dostaviti mišljenje Predsjedavajućem Vijeća.

Predsjedavajući Vijeća dostavlja Vijeću vijećničku inicijativu sa mišljenjem gradonačelnika, na izjašnjenje.

Nakon dostavljanja mišljenja o prihvatanju inicijative, Vijeće se bez rasprave izjašnjava o istoj.

Ukoliko je dostavljeno mišljenje da se inicijativa ne prihvata, predlagač inicijative se obavezno izjašnjava da li povlači inicijativu, u vremenu do tri minute.

Ukoliko predlagač ne povuče inicijativu, Vijeće se bez rasprave izjašnjava o istoj.

Vijeće na sjednici donosi zaključak kojim se vijećnička inicijativa odbija ili prihvata i određuje način pripreme i nosioce izrade nacrta odnosno prijedloga akta.

Zaključak Vijeća iz prethodnog stava dostavlja se podnosiocu inicijative.“

Član 171.a Poslovnika o radu Gradskog vijeća Zavidovići – novi prečišćeni tekst, propisan je postupak podnošenja vijećničke inicijative, njezina obrada i u konačnici izjašnjenje Gradskog vijeća po istoj.

Član 171.a usvojen je na prijedlog Kolegija Vijeće a u cilju efikasnijeg i efektivnijeg rada Vijeća, obzirom da su se vijećničke inicijative razmatrale kao zasebne tačke dnevnog reda, a po istima su se pribavljali i stavovi nadležnih radnih tijela Gradskog vijeća, što je uvećavalo broj tačaka dnevnog reda i imalo utjecaja na dužinu trajanja sjednica Gradskog vijeća.

Vijećničke inicijative bi u principu trebale biti dobro pripremljene i obrazložene uz prijedlog obezbjedenja finansijskih sredstava za njihovu realizaciju, što bi se svakako odrazilo na kvalitet podnesenih inicijativa i njihov broj.

Primjenom člana 171.a Poslovnika o radu Gradskog vijeća Zavidovići, praksa je pokazala da je potrebno provesti raspravu po vijećničkim Inicijativama prije izjašnjavanja po istim, te smatram da predmetnu Inicijativu treba prihvati.


S poštovanjem

Dostavljeno:

1. Naslovu,
2. U spis.

Obradila:

  
(Samira Pinić)



GRADONAČELNIK

doc. dr. Hašim Mujanović